



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ

0090, ք. Երևան, Շոպրոնի 77, Հեռ.

№ 941-3156

< 08 > 11 2021թ.

Անուշ Գաբրիելյան

Ք. Երևան, Նորաշեն 29 շ. բն. 90

Ուղարկում եմ Ձեր դիմումի հիման վրա ՀՀ ոստիկանության պարեկային
նախադեպյան իրավաբանական բաժանմունքում իրականացված վարչական
քրեական վարույթի արդյունքում թիվ 8180026255 վարչական ակտն
անվավեր, իսկ վարչական բողոքն առանց բավարարման թողնելու մասին
տեղեկություններ:

Ձեր համարը:

Ձեր
անհատական զննապետ՝

Մ. Ռամբատյան

Ա. Ռամբատյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 29.09.2021թ-ին կայացված 8180026255 որոշումն անփոփոխ, իսկ վարչական բողոքն առանց բավարարման թողնելու մասին

« 05 » 11 2021թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ռմրշատյանս, վերանայելով Անուշ Գաբրիելյանին դիմումի քննարկման արդյունքում ստեղծված նյութերը,

Պ Ա Ր Զ Ե Ց Ի

29.09.2021թ-ին Երևան քաղաքում քաղաքացի Անուշ Գաբրիելյանի վարած «Մազդա» մակնիշի ժամանակավոր հաշվառման համարանիշի տրանսպորտային միջոցը կանգնեցվել է պարեկային ծառայության 2-րդ գումարտակի 2-րդ վաշտի պարեկ Սուրեն Ղարիբյանի կողմից:

Ստուգումից պարզվել է, որ վարորդն ավտոմոբիլը վարել է ժամկետանց ժամանակավոր հաշվառման համարանիշերով:

Վարորդի նկատմամբ կազմվել է վարչական իրավախախտման վերաբերյալ արձանագրություն և «Վարչական իրավախախտումների վերաբերյալ» ՀՀ օրենսգրքի (այսուհետ՝ ՎԻՎՕ) 123.5-րդ հոդվածի 3-րդ մասի համաձայն՝ կայացվել է թիվ 8180026255 որոշումը՝ վերջինիս 20.000 ՀՀ դրամի չափով տուգանելու մասին:

Երևան քաղաքի Նորաշեն 292. 90 բն. բնակիչ Անուշ Գաբրիելյանը դիմումով խնդրել է անվավեր ճանաչել պարեկային ծառայության վարչական իրավախախտման վերաբերյալ գործով 29.09.2021թ-ին կայացված 8180026255 որոշումը՝ նշելով, որ ՀՀ ոստիկանության Կոտայքի ՀՔԲ-ի պետ ոստիկանության փոխգնդապետ Է. Գրիգորյանին դիմումով խնդրել էր իր տրանսպորտային միջոցը հաշվառել՝ առանց ներկայացման:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 29.09.2021թ. կայացված թիվ 8180026255 որոշումը ենթակա է կատարման հետևյալ պատճառաբանությամբ.

«Ճանապարհային երթևեկության անվտանգության ապահովման մասին» ՀՀ օրենքի 13-րդ հոդվածի 23-րդ մասի համաձայն՝ «Ժամանակավոր ներմուծում» մաքսային ընթացակարգով կամ ֆիզիկական անձանց կողմից ժամանակավոր 2 ամսից ավելի ժամկետով Հայաստանի Հանրապետություն ներմուծված տրանսպորտային միջոցներին տրվում են ժամանակավոր հաշվառման փաստաթղթեր և հաշվառման համարանիշեր (իսկ եթե տրանսպորտային միջոցի

համարանիշերը պարունակում են ոչ լատիներեն տառեր կամ ոչ արաբական թվեր, ապա անկախ ներմուծման ժամկետից տրվում են հաշվառման համարանիշեր), բացառությամբ Հայաստանի Հանրապետության կառավարության սահմանած դեպքերի:

Նույն հոդվածի 23-րդ մասի համաձայն՝ «Ժամանակավոր ներմուծում» մաքսային ընթացակարգով կամ ֆիզիկական անձանց կողմից ժամանակավոր Հայաստանի Հանրապետություն ներմուծված տրանսպորտային միջոցների հաշվառման կարգը սահմանում է Հայաստանի Հանրապետության կառավարությունը:

ՀՀ կառավարության 2010 թվականի սեպտեմբերի 9-ի «Պետական գրանցման ենթակա տրանսպորտային միջոցների տեսակների ցանկը, տրանսպորտային միջոցների պետական հաշվառման կարգը, պետական գրանցման եվ պետական հաշվառման համար պարտադիր ներկայացվող փաստաթղթերի ցանկերը, տրանսպորտային միջոցի սեփականության իրավունքի պետական գրանցման վկայականի, պետական հաշվառման ազգային ու միջազգային վկայագրերի եվ «Ժամանակավոր ներմուծում» մաքսային ընթացակարգով հի ներմուծված տրանսպորտային միջոցների հաշվառման վկայագրի ձեւերը, «Ժամանակավոր ներմուծում» մաքսային ընթացակարգով հի ներմուծված տրանսպորտային միջոցների հաշվառման կարգը, հաշվառման համարանիշերին ներկայացվող պահանջները, ինչպես նաեւ տրանսպորտային միջոցների համարանիշերի հաշվառման ու հատկացման կարգը սահմանելու, հի կառավարության 2006 թվականի նոյեմբերի 30-ի N 1853-ն որոշման մեջ փոփոխություններ կատարելու եվ ՀՀ կառավարության 2007 թվականի օգոստոսի 30-ի N 1041-ն որոշումն ուժը կորցրած ճանաչելու մասին» 1251-ն որոշման 12-րդ հավելվածի 18-րդ կետի 4)-րդ ենթակետի համաձայն՝ «Ժամանակավոր» տեսակի համարանիշեր հատկացվում են՝ տրանսպորտային միջոցների մաքսային ձևակերպում իրականացնող մաքսային մարմինների կողմից՝ «Ներքին սպառման համար բացթողում» մաքսային ընթացակարգով կամ ֆիզիկական անձանց կողմից ազատ շրջանառության նպատակով ներմուծված և մաքսային ձևակերպումներն ավարտած տրանսպորտային միջոցներին՝ 15 օր ժամկետով:

Նույն որոշման 18.1-րդ կետի համաձայն՝ «Ժամանակավոր» տեսակի համարանիշերի վրա ժամկետը նշվում է դրանք հատկացնող՝ սույն կարգի 18-րդ կետում նշված ստորաբաժանումների կամ սուբյեկտների համապատասխան աշխատողների կողմից համարանիշի դիմային մասի դեղին հիմնագույնի դաշտում՝ այդ դաշտի վերևի մասում ժամկետի ավարտի օրը, ներքևի մասում ամիսը՝ արաբական թվերով նշված ինքնակաշուն թաղանթ փակցնելու միջոցով:

ՎԻՎՕ-ի 123.5-րդ հոդվածի 3-րդ մասի համաձայն՝ Ժամանակավոր համարանիշի օգտագործման ժամկետը լրանալուց հետո տրանսպորտային միջոցը այդ համարանիշերով վարելը՝ առաջացնում է տուգանքի նշանակում՝ սահմանված նվազագույն աշխատավարձի քսանապատիկի չափով:

Պարեկային ծառայողների կողմից տրված պարզաբանման համաձայն՝ քաղաքացի Անուշ Գաբրիելյանի վարած տրանսպորտային միջոցը կանգնեցվել է

Ժամանակավոր համարանիշերը ժամկետանց վարելու համար, իրավախախտման փաստը եղել է ակնհայտ:

Քաղաքացի Անուշ Գաբրիելյանը իր դիմումի հիման վրա հարուցված վարչական վարույթին ներկայացրել է դիմումով հայտնաձև փաստերը հավաստող ապացույցն այն մասին, որ դիմումով խնդրել է իրավասու վարչական մարմին տրանսպորտային միջոցը առանց ներկայացնելու հաշվառում իրականացնել, սակայն վարչական մարմինը ոչ հաշվառումն է իրականացրել և ոչ էլ ժամանակավոր հաշվառման համարանիշի համար հատկացված 15-օրյա ժամկետն է երկարաձգել:

ՎԻՎՕ-ի 251-րդ հոդվածի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ:


Այդ տվյալները հաստատվում են հետևյալ միջոցներով՝ վարչական իրավախախտման վերաբերյալ արձանագրությամբ, վարչական պատասխանատվության ենթարկվող անձի բացատրություններով, տուժողի, վկաների ցուցմունքներով, փորձագետի եզրակացությամբ, իրեղեն ապացույցներով, իրեր և փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով:

Այսպիսով, դիմումատուի արարքում առկա են ՎԻՎՕ-ի 123.5-րդ հոդվածի 3-րդ մասի հատկանիշները, ուստի ելնելով վերոգրյալից և ղեկավարվելով ՎԻՎՕ-ի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Պարեկային ծառայության վարչական իրավախախտման վերաբերյալ գործով 29.09.2021թ. կայացված 8180026255 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Անուշ Գաբրիելյանին և պարեկային ծառայության երևան քաղաքի գունդ:

Պետ,
ոստիկանության գնդապետ՝



Ա. ՌՈՒՄՅԱՆ